

Na osnovu člana 72. Zakona o javnim nabavkama Bosne i Hercegovine ("Službeni glasnik BiH", broj 39/14), a nakon provedenog postupka nabavke putem direktnog sporazuma za pružanje usluga registracije i tehničkog pregleda službenih vozila, zaključen je:

**U G O V O R**  
**o pružanju usluga registracije i tehničkog pregleda**  
**motornih vozila**

**Između:**

**1. Bosna i Hercegovina, Vijeće ministara, Direkcija za evropske integracije, Sarajevo Đoke Mazalića broj 5, koju zastupa direktor Edin Dilberović, (u daljem tekstu: Ugovorni organ)**

**i**

**2. OSING-OSIGURANJE INŽENJERING d.o.o. SARAJEVO, ulica Maršala Tita broj 29, koju zastupa direktor Said Goletić, (daljem tekstu: Davalac usluga)**

**Član 1.**

(1) Ovim Ugovorom ugovorne strane su se sporazumjele da će Davalac usluga pružati usluge registracije i tehničkog pregleda motornih vozila KIA CEED registarskih oznaka E94-T-66T, CHEVROLET, CRUZE LS registarskih oznaka E34-A-514 i VOLKSWAGEN PASSAT registarskih oznaka O37-M-871 koja su u vlasništvu Direkcije za evropske integracije.

(2) Predmetne usluge obuhvaćaju registraciju i tehnički pregled, po ukupnoj cijeni ponude u iznosu od 656,90 KM bez PDV-a.

**Član 2.**

(1) Sastavni dio ovog Ugovora je Ponuda broj: 01-5616/20 od dana 19.10.2020. godine Davaoca usluga.

**Član 3.**

(1) Davalac usluga se obavezuje da usluge registracije i tehničkog pregleda fakturiše u ugovorenim rokovima, na osnovu otpremnih dokumenata potvrđenih od Ugovornog organa da je izvršene usluge prihvatio.

(2) Redovni tehnički pregled i registraciju motornih vozila će obavljati firma OSING – osiguranje inženjering d.o.o. Sarajevo iz Sarajeva na adresi Halilovići bb.

(3) Davalac usluga se obavezuje na nepromjenljivost ponuđenih cijena za ugovorene usluge tokom cijelog ugovornog perioda.

(4) Plaćanje će se vršiti prema ispostavljenim fakturama u roku od 15 dana od dana ispostavljanja fakture.

(5) Davalac usluga se obavezuje odštetne zahtjeve Ugovornog organa rješavati prioritetno po kompletiranju zahtjeva.

**Član 4.**

(1) Davalac usluga se obavezuje da će usluge izvršiti u skladu sa zahtjevom Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta pružene usluge.

(2) Ugovorni organ je dužan da dostavi pisano obavještenje o svakom navodnom propustu Davaoca usluga po ovom Ugovoru.

(3) Ugovorni organ će utvrditi razuman rok za ispravku propusta Davaoca usluga u smislu izvršene usluge.

#### Član 5.

Davaocu usluga se postavlja uslov da nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi zahtjeva za dostavu ponuda, nadležna za dodjelu ovog Ugovora, najmanje šest mjeseci po zaključenju istog.

#### Član 6.

(1) Eventualne sporove nastale pri realizaciji ovog Ugovora, ugovorne strane će rješavati mirnim putem, u protivnom, ugovora se nadležnost Suda Bosne i Hercegovine u Sarajevu.

(2) Na ostala prava i obaveze ugovornih strana, koje nisu regulisane ovim Ugovorom, primjenjivaće se odredbe Zakona o obligacionim odnosima.

#### Član 8.

(1) Predmetni Ugovor stupa na snagu od dana potpisivanja obje ugovorne strane i zaključuje se na određeno vrijeme na period od godinu dana, počev od datuma početka trajanja osiguranja, a u međuvremenu se može raskinuti samo pod uslovom da su ugovorne strane međusobno izmirile sve stvorene obaveze i potraživanja.

(2) Ukoliko jedna od ugovornih strana prestane sa radom iz bilo kog razloga, obaveze po ovom Ugovoru prelaze na pravnog sljednika.

(3) Ukoliko se jedna od ugovornih strana integriše sa drugim pravnom licem, obaveze po ovom Ugovoru ostaju do isteka roka iz stava (1) ovog člana.

(4) Odredbe ovog Ugovora ne mogu se mijenjati nakon njegovog zaključenja.

#### Član 9.

Svaka od ugovornih strana može otkazati ovaj Ugovor, pisanim putem, uz otkazni rok od 15 (petnaest) dana.

#### Član 10.

Ovaj Ugovor je sačinjen u 6 (šest) istovjetnih primjeraka, od kojih svaka ugovorna strana zadržava po 3 (tri) primjerka za vlastite potrebe.

Davalac usluga

Said Goletić

Broj: \*01-4269/20

Datum:




Ugovorni organ

Edin Dilberović

Broj:

Datum:



05-911-16-4-73-53-9120  
27.10.2020. godine